

Zeitschrift: Nidwaldner Kalender

Herausgeber: Nidwaldner Kalender

Band: 71 (1930)

Rubrik: Der Meisterjuhzer

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 26.11.2024

ETH-Bibliothek Zürich, E-Periodica, <https://www.e-periodica.ch>

Der Meisterjuihzer.

Zum Großbuir ufem Staldeguet
Chunt lezthi grad bim z'Niniässe
Ae frendä Kärli, lipft dä Huet,
Ob er nit schaffe chennt um's Ässe?

Der Staldebuir liegt ihn so a;
Denn Arbet hätt' er uf de Hyse;
Der Kärli schynt ä wadrä Ma;
Mä meint, der chennt nu eppis gryse.

Wie Trämmel het är Arm und Bei,
Bim Wäge g'wiz zwee Zäntner zieht er;
Mä chent fast meine, daß er sei
Dem Riese Goliath der Brieder.

Das g'fallt dem Staldebuir nit schlächt;
Denn starchi Burschte brucht mä eister.
Was är de leiste chennt as Chnächt?
Der seit: i sym Fach sig är Meister.

Das chenn är b'haipte unschiniert,
Das tieg äm eppe niemer appé;
Mit ihm sig eine nie a'gsiehrt
Wie hitigstags mi viele Lappe.

Der Meisterchnächt spizt g'schwind das Ohr,
Das wär em gar nit rächt dem Veri,
Wenn so ne Kärli ihm's tät vor
Und eppe gar nu hämt i d'Queri.

„Was chennid iehr de, gute Ma,
Won iehr as sone Meister glänzid?
s'git Mänge hit, der gar als cha,
Und derig sünds, die grad z'erscht schwängzid.“

Wie d'Antwort seit der frendi Ma,
Da machid alli äs paar Pfuzer:
„d'Vuzärrä han i s'Prämi għa,
Vo Bruef bin i ä Meisterjuichzer!“

P. Adelhelm Zumbühl.

S' Zisibuiħili.

Der Veri ischt ä frynä Ma,
das mueß ich von em säge,
nur eppis hed er, denn er cha
die Chaže nit verträge.
Doch gahd er fort und chunt er hei,
es ischt grad wunderli,
denn won er ischt, strykt ihm um's Bei
äis Zisibuiħili.

Er het scho mänge besä Schlungg
ihm wellä applizierä,
doch dem machts nyd, es kennt dä Schwung
und cha si retirierä.
Und mag er nu so wilde tue,
as wär grad nyd derbi,
so strykt dem Veri um de Schuoh
sis Zisibuiħili.

Um Chilwimändig ḥund er hei,
die Stubenuhr schlaht syfi.
Aes gnappet neiwa ihm dur d'Bei
und d'Haar sind schier gar syfi.
„Nei, Veri, was machst du für Streich“,
so redt em s'G'wissen i,
„du hescht ä Chaž, doch ischs bimeich
keis Zisibuiħili!“

P. Adelhelm Zumbühl.